



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCCX. ad annum MLXXIII.

Parisiis, 1644

II. Artaldo sedes Rhemensis restituta: Hugoni, qui eam vsurpabat,
anathema dictum.

urn:nbn:de:hbz:466:1-15625

debita reuerentia dono Romano pontifici exhibendo commoniti sunt, vt vniuersalis ecclesiae puppis exoptata tranquillitatis portui secura succedat, seque procelloso tribulationum turbine vexari diutius non timeat. Significatum est autem in eiusdem recitaminis sententia, praedictum praesulem Marinum ab ipso vniuersali papa tali tenore ad nostros fines directum fuisse, quo in omni ecclesiasticarum legum discussione ipsius existens vicarius, quaecumque liganda essent apostolica auctoritate ligaret, & quae soluenda viderentur parili solueret potestate. Huiusmodi procul dubio affaminis tam salubri missatico gloriosissimi reges praefati, cum pontificibus, omnique clero, congratulantes, vt dignum fuit, se in omnibus consentire & obedire professi sunt. A quibus, auctorante & confirmante legato apostolico, capitula subsequencia statuta sunt. Dehinc ex sessionis suae loco se subrigens inclytus rex Ludouicus, ad praesentiam serenissimi regis Ottonis, totiusque sanctissimi Concilii vnanimitatem, satis lacrymosi conquestus protulit querimoniam: videlicet quod regia priuaretur potestate a quodam principe Hugone nominato, quondamque sibi subiecto. Cuius anxietati & multimodae reclamationi condolentes in vnitae spiritus coadunati sanctissimi patres, eiusmodi super hac re sententiam protulere:

C A N O N E S.

I.

Concilium
Tolet. IV.
Can. 75.

NVLLVS deinceps regiam potestatem praesumat populari, seu aliquam perfidiae maculam sibi fallaciter exhibere. Decreuimus enim, Toletani Concilii iudicium exequendo, Hugonem regis Ludouici regni inuasorem & raptorem excommunicationis gladio feriendum, nisi forte tempore statuto ad synodale Concilium veniat, & a tam nefaria proteruitate satisfaciendo resipiscat.

II.

Artaldus Rhemensis ecclesiae archiepiscopus

propria de sede expulſus, ex canonica aucto-
rite in priſtinum honorem inthronizatus, Hugo au-
tem, qui eius ſedem contra fas ſibi uſurpat, ana-
thematis eſt mucrone mulctatus: eiusque ordina-
tores, & qui ab eo ſunt ordinati, niſi VI. Idus Se-
ptembris Treuiris veniant, & ibi pro erratibus di-
gnam ſatisfaciendo pœnitentiam ſubeant, ſimilem
excommunicationis ſententiam ſuſtineant.

III.

De antediſto Hugone comite, qui Rudolſum
Lugdunenſis eccleſiæ epiſcopum propria de ſede,
non cauſa alicuius criminis, ſed pro fidelitate Lu-
douici regis proprii ſenioris expulit, decreuimus
eum in ſancta Synodo pro hac re, ſicut de præſcri-
pta, excommunicandum, niſi veniendo ſatiſſe-
rit.

IV.

Vt laici ſine epiſcopali licentia præbyteris ec-
cleſias dare, vel eos dimittere non præſumant.

V.

Vt nullus laicorum præbyterum flagitare,
ſeu fatigare, vel aliquam ſibi iniuriam inferre au-
deat.

VI.

Vt paſchalis hebdomada feſtiue tota celebre-
tur, & in pentecoſten ſecunda, tertia, quarta feria,
non minus quam dies dominicus, ſolenniter ho-
norentur.

VII.

In litania maiore ieiunium, ſicut in rogationi-
bus ante aſcenſionem Domini, exerceatur.